

殺車極法
一 提盾
截江浮

三
日
八

中武 9
165
9



開
翰
卷
165
3



殺車槌法卷之三



餘杭節菴陶華述

新安吳中珩校

吾專傷寒深明奧旨脉正則道合神機用藥則隨手
取應前本續論全備發明殺車槌法世之罕有永為
養生之寶矣今將秘驗三十七方就註三十七槌法
二十條煎法二十條切病并製解法名殺車槌也實
為我肺腑不傳之妙我後子孫一勾不可輕露莫與
俗人言莫使庸醫見爾宜謹慎珍藏毋違我之致囑

也

劫病法

一傷寒發狂奔走人難制伏先於病人處生火一盆用醋一碗傾於火上其煙冲鼻入內即安方可察其陽狂陰燥親切用藥無差若初起頭疼發熱惡寒方除已後登高而歌棄衣而走踰垣上屋罵詈叫喊大渴欲死脈來有力乃因邪熱傳裏陽盛發狂當用寒藥下之此為陽狂凡見舌卷囊縮者不治若病起無頭疼身微熱面赤戴陽煩燥脈來沉微無力欲坐臥於泥水中乃因寒熱而發燥即陰證似陽當用熱藥

溫之此為陰燥凡見厥冷下利譫語者不治醫者不看脈以虛陽上膈而燥誤為實熱反與涼藥使渴盛燥急則氣消成大害矣須詳脈來有力無力此為良法

傷寒腹中痛甚將凉水一盞與病人飲之其痛稍可者屬熱痛當用涼藥清之清之不已而或遶臍硬痛大便結實煩渴屬燥屎痛急用寒藥下之若食積痛同治法若小腹硬痛小水自利大便黑身自黃者屬蓄血痛亦用寒劑加行血藥下之為物則愈此三者皆痛隨利減之法也

若飲水愈加作痛屬寒痛當用溫藥和之和之不已而或四肢厥冷腹痛嘔吐瀉利急用執藥救之須詳脈來有力無力此爲良法

傷寒直中陰經真寒證甚重而無脈或吐瀉脫元而無脈將好酒姜汁各半盞與病人服之其脈來者可治當察其陰用藥不拘脈浮沉大小但指下出見者生如用此法脈不至者必死又當問病人有何疼痛處若有痛證要知痛甚者脈必伏宜隨病制宜如無痛證用此法而脈至者此爲吉兆尤當問病人若平素原無正取脈須用覆手取之脈必見也此屬反關

脈診法與正取法同若平素正取有脈後因病診之無脈者亦當覆手取之

取之而脈出者陰陽錯亂也宜和合陰陽如覆取正取俱無脈者必死矣此爲良法

一傷寒舌上生胎不拘滑白黃黑俱用井水浸青布片於舌上洗淨後用生薑片子時時浸水刮之其胎自退凡見舌生黑胎芒刺者必死此熱毒入深十有九死是腎水尅心火也若發黃者用生薑時時週身擦之其黃自退若心腦脇下宿邪氣結實滿悶硬痛又法用生薑一觔搗渣去沙炒微燥帶潤用絹包於

患處款款熨之稍可又將渣和均前汗炒乾再熨許久豁然寬快俱為良法

一傷寒鼻衄成流久不止者將山苑炒黑色為細末吹入鼻內外將水紙搭於鼻冲其血自止若點滴不成流者其邪在經未解照後秘方用藥不在此法

一傷寒熱邪傳裏服轉藥後鹽炒麩皮一升將綿包於病人腹上款款熨之使藥氣得熱則行大便易通矣

一傷寒吐血不止用韭汁磨京墨呷下其血見黑必止如無韭汁用鷄子清亦可正謂赤屬火而黑屬水

也

一傷寒直中陰經真寒證或除毒證身如被杖腹中

絞痛嘔逆沉重不知人事四體堅冷如石手指甲唇

青藥不得入口六脉沉細或無脉欲絕者將葱縛一

握切去根葉取白三寸許搗如餅先用射香半分填

於臍中後放葱餅臍上以火熨之連換二三餅稍醒

確入生姜汁煎服周陽故急湯如不醒再灸關元氣

海二三十壯使熱氣通其內逼邪出於外以復陽氣

如用此法手足溫汗出即醒者為有生也如用此

法手足不溫汗出不省人事者必死也此為良法

一傷寒熱病熱邪傳裏亢極無解用黃連煎水一盞旋井中頓冷浸青布搭在胸中徐徐換之待熱勢稍退即除不可久漬夏天用此法冬天不宜用

一傷寒服藥轉吐出不納者隨用竹管重揉肉關後將生姜自然汁半盞熱飲其吐即止大凡服寒藥熱飲熱藥寒飲中和之劑溫和服之如要取汗雖辛甘之劑亦宜熱服如要止汗雖辛甘溫之劑亦宜溫服此為良法

一中風痰厥昏迷卒倒不省人事欲絕者先用皂莢末擦紙燒煙沖入鼻中有嚏可治隨用吐痰法將皂

莢末五分半夏白礬各三分為細末姜汁調服探吐後服導痰湯加減治之無嚏不可治此為良法

一治乾霍亂不得吐者用滾湯一碗入皂莢末三分鹽一撮調服探吐莫與米湯設若與之即死是穀氣反助邪氣也

一中寒卒倒昏迷不省者先用熱酒姜汁各半盞灌入稍醒後服加味理中飲為效如不飲酒人止用姜汁灌之依法調治此證冬月甚有之餘月幾希矣

製藥法

一用附子去皮臍先將鹽水姜汁各半盞用沙鍋煮

七沸後入黃連甘草各半兩再加童便半盞再煮七沸住火良久撈起入磁器盛貯伏地氣一晝夜取出曬乾以備後用炭無毒害項圓脰正一兩一枚者佳此為良法

一用川大黃須錦紋者佳剉成飲片用酒拌均燥乾以備後用不傷陰血如年壯實熱者生用不須製之此為良法

一用麻黃去節先滾醋湯略浸片時撈起以備後用炭免太發如冬月嚴寒膝理至密當生用者不須製之此為良法

一用茱萸將鹽水拌均炒燥以備後用炭無小毒此為良法

解藥法

一用附子後身自紅者乃附毒之過用蘿蔔搗水濾汁二大盞入黃連甘草各半兩犀角三錢煎至八分飲之以解附毒其紅即除如解遲必血從耳目口鼻出者必死無蘿蔔用蘿蔔子搗水取汁亦可此為良法如無蘿蔔子用澄清泥漿水亦可也

一用大黃後瀉利不止者用烏梅二箇炒粳米一撮乾姜三錢人參炒白朮各半兩生附子皮一錢半甘

草一錢升麻少許燈心一握水二大鍾去滓後入炒陳壁土一匙調服即止取土氣以助胃氣也此為良法

一用麻黃後汗出不止者將病人髮披水盆中足露出外用炒糯米半升龍骨牡礪葉本防風各一兩研為細末週身撲之隨後秘方用藥免致亡陽而死為良法

煎藥法

一用發汗藥先煎麻黃一二沸後入餘藥同煎
一用止汗藥先煎桂枝一二沸後入餘藥同煎

一用和解藥先煎柴胡一二沸後入餘藥同煎
一用下藥先煎滾水入枳實一二沸後入餘藥同煎
一用溫藥先煎乾姜一二沸後入餘藥同煎
一用行血藥先煎桃仁一二沸後入餘藥同煎
一用利水藥先煎猪苓一二沸後入餘藥同煎
一用止瀉藥先煎炒白朮一二沸後入餘藥同煎
一用消滯藥先煎天花粉一二沸後入餘藥同煎
一用止痛藥先煎白芍藥一二沸後入餘藥同煎
一用發黃藥先煎茵陳一二沸後入餘藥同煎
一用發斑藥先煎青黛一二沸後入餘藥同煎

一用發狂藥先煎石膏一二沸後入餘藥同煎
 一用嘔吐藥先煎半夏一二沸後入餘藥同煎
 一用勞力感寒藥先煎黃耆一二沸後入餘藥同煎
 一用感冒傷寒藥先煎羌活一二沸後入餘藥同煎
 一用暑證藥先煎香薷一二沸後入餘藥同煎
 一用風病藥先煎防風一二沸後入餘藥同煎
 一用腹如雷鳴藥先煎煨生姜一二沸後入餘藥同煎
 煎
 一用濕證藥先煎蒼朮一二沸後入餘藥同煎
 秘用三十七方就註三十七槌法

升麻發表湯 即麻黃湯自有加減法

治冬月正傷寒頭痛發熱惡寒春強脈浮緊無汗為
 表證此足太陽膀胱經受邪當發汗以頭如斧劈身
 如火熾者宜用此湯

麻黃	桂枝	甘草	杏仁
升麻	川芎	防風	白芷
羌活			

本經發熱惡寒頭痛無汗而喘者本方加乾葛去升
 麻
 本經發熱惡寒身體痛者本方加蒼朮芍藥去杏仁

本經惡寒發熱身痒面赤者以其不得小汗出故也
本方去白芷杏仁加柴胡芍藥

本經頭痛發熱惡寒胸中飽悶者本方加枳殼桔梗
本經感寒深重服湯不作汗者宜再服至二三劑而
汗不出者死

本經汗後不解者宜再服量證輕重用麻黃升麻分
多寡為當

水二鍾姜三片葱白二莖槌法加江西豆豉一撮煎
之熱服取汗如神宜厚被覆首凡中病即止不得多
服多則反加別病矣

蹠邪實表湯 即桂枝湯自有加減法

活冬月正傷風頭痛發熱惡寒脊強脈浮緩目汗為
表證此足太陽膀胱經受邪當實表散邪無汗者不
可服

桂枝 芍藥 甘草 防風

川芎 羌活 白朮

如汗不止加黃耆 喘加柴胡杏仁
胸中飽悶加枳殼桔梗

水二鍾姜三片棗二枚槌法加膠節二匙煎之溫服
羌活沖和湯 以代桂枝麻黃青龍各半等湯此大

陽經之神藥也

治春夏秋非時感冒暴寒頭痛發熱惡寒春強無汗
脈浮緊此足太陽膀胱經受邪是表證宜發散不與
冬時正傷寒全治法此湯非獨治三時暴寒春可治
溫夏可治熱秋可治濕治雜證亦有神也秘之不與
庸俗知此奇妙耳本方自有加減法備開于後

羌活 壹錢

防風 壹錢

蒼朮 壹錢

黃芩 壹錢

川芎 壹錢

白芷 壹錢

甘草 壹錢

生地黄 貳錢

細辛 伍分不可多

如腦中飽悶加枳殼枳椇去生地黄

夏月本方加石膏知母名神木湯如服此湯後不作
汗本方加蘇葉喘而惡寒身熱本方加杏仁生地黄
汗後不斂宜再服汗下兼行加大黃釜底抽薪之法
其春夏秋感冒非時傷風亦有頭痛惡寒身熱脈浮
緩自汗宜實表本方去蒼朮加白朮汗不止加黃耆
即加減沖和湯再不止以小柴胡加桂枝芍藥一錢
如神

水二鐘薑三片棗二枚煎至一鐘槌法加葱白搗汁
五匙入藥再煎一二沸如發汗用熱服止汗用溫服
柴葛解肌湯 即葛根湯本湯自有加減法

治足陽明胃經受證目疼鼻乾不眠頭疼眼眩痛脈
來微洪宜解肌屬陽明經病其正陽明腑病別有治
法

柴胡

乾葛

甘草

黃芩

芍藥

羌活

白芷

桔梗

本經無汗惡寒甚者去黃芩加麻黃冬月宜加春宜
少夏秋去之加蘇葉

本經有汗而渴者治法開在如神白虎湯下

水二鍾姜三片棗二枚槌法加石膏末一錢煎之

服

柴胡雙解飲

即小柴胡湯本方自有加減法

治足少陽膽經受證耳聾脇痛寒熱嘔而口苦脈來
弦數屬半表半裏宜和解此經膽無出入有三禁不
可汗下吐也止有小柴胡一湯隨病加減再無別湯

柴胡

黃芩

半夏

甘草

人參

陳皮

芍藥

本經證小便不利者加茯苓

左經嘔者入姜汁竹茹脇痛加青皮

痰多加瓜蒌仁貝母寒熱似瘧者加桂枝

渴者加天花粉知母

滋燥無津液加石膏

嗽者加五味金沸草壞證加

驚甲

本經證心下飽悶未經下者非結胸乃表邪傳至胸中未入乎腑證雖滿悶尚為在表只消小柴胡加枳桔未效就以本方對小陷胸加枳桔一服豁然其妙如神秘之不與俗人言之耳虛煩類傷寒證本方加竹葉炒粳米

本經與陽明合病本方加葛根芍藥如拾芥

婦人熱入血室加當歸紅花

男子熱入血室加生地黃

老婦人傷寒無表證其熱勝者本方加大黃甚者加芒硝

水二鍾姜一片棗二枚槌法入生艾汁三匙煎之溫服

桂枝大黃湯 即桂枝湯內加大黃本方自有加減法

治足太陰脾經受證腹滿而痛咽乾而渴手足溫脈來沉而有力此因邪熱從陽經傳入陰經也

桂枝

赤芍藥

甘草

大黃

枳實

柴胡

本經腹滿不惡寒而喘者加大腹皮去甘草

水二鍾姜一片棗二枚煎之臨服槌法入柝柳磨水

二匙熱服

加味理中飲 即理中湯本方自有加減法

治足太陰脾經受證自利不渴手足溫身無熱脈來沉而無力此屬臟寒

乾姜

白朮

人參

甘草

肉桂

陳皮

茯苓

厥陰消渴氣上衝心飢不欲食食即吐虻腹痛大便實者本方加大黃蜜少許利之

本經腹濡滿時減者依本方去甘草

本經嘔吐者入半夏姜汁

本經蹠臥沉重利不止少加附子

利後身體痛者急溫之加附子

自利腹痛者入木香磨姜汁調服和之

水二鍾姜一片棗二枚煎之臨服槌法入炒陳壁土

一匙調服取土氣以助胃氣

茵陳將軍湯 即茵陳湯本方自有加減法

治足太陰脾經腹滿身自發黃小水不利大便實發渴或頭汗至頸節還脈來沉重者宜用

大黃

茵陳

山梔

甘草

厚朴

黃芩

枳實

大便自調者去大黃厚朴加大腹皮利小便清為效
水二鍾姜一片槌法加燈心一握煎之熱服
導赤散 即五苓散本方自有加減法

治小水不利小腹滿或下焦蓄熱或引飲過多或小
水短赤而渴脉沉數者以利小便為先惟汗後亡津
液與陽明汗多者則以利小便為戒

茯苓

猪苓

澤瀉

桂枝

白朮

甘草

滑石

山梔

中濕身自黃者加茵陳 水結胸證加木通燈心如
小水不利而見頭汗出者乃陽脫也

得病起無熱但譫語煩燥不安精采不與人相當此
湯治之

水二鍾姜一片燈心二十莖槌法入鹽二字調服

六乙順氣湯

以代大承氣小承氣調胃承氣大柴胡三乙承氣湯
大陷胸等湯之神藥也舉世無人知此奇妙耳秘之
莫與俗人言本方自有加減法備開

此湯治傷寒熱邪傳裏大便結實口燥咽乾慎執譫

語揭衣狂妄揚手擲足斑黃陽厥潮熱自汗腦腹滿
硬遠臍疼痛等證悉皆治之效不盡述

大黃

枳實

黃芩

厚朴

甘草

柴胡

芍藥

芍藥

潮熱自汗譫語發渴揚手擲足揭去衣被狂妄斑黃

大便實者俱屬正陽明胃腑病依本方

口燥咽乾大便實者屬少陰依本方

下利純清心下硬痛而渴者屬少陰依本方

怕熱發渴譫妄手足乍冷乍溫大便實者陽厥證屬

厥陰依本方舌卷囊縮者難治瀕急下之

譫語發渴大便實遠臍硬痛者有燥屎依本方

熱病目不明謂胃水已竭不能照物病已篤矣惟宜

急下依本方目中不了了即日不明也

轉屎氣者謂下泄也有燥屎焉當下之依本方如更

衣者止後服不必盡劑不更衣者宜再少與大便通

者愈

結胸證心下硬痛手不可近燥渴譫語大便實者依

本方去甘草加甘遂栝梗片傷寒過經及老弱并血

氣兩虛之人或婦人產後有下證或有下後不解或

有表證尚未除而裏證又急不得不下者用此湯去

芒硝下之則吉蓋恐轉藥硝性燥急故有此戒大凡傷寒邪熱傳裏結實須看熱氣淺深用藥今之庸醫與俗醫不分當急下可少與宜微和胃氣之論一槩用大黃芒硝亂投湯劑下之因茲枉死者多矣余謂傷寒之邪傳來非一治之則殊耳病有三焦俱傷者則痞滿燥實堅全俱宜大承氣湯厚朴苦溫以去痞枳實苦寒以泄滿芒硝鹹寒以潤燥軟堅大黃苦寒以泄實去熱病斯愈矣邪在中焦則有燥實堅三證故用調胃承氣湯以甘草和中芒硝潤燥大黃泄實不用枳朴恐傷上焦虛無氤氳之元氣調胃之名自此然矣上焦受傷則痞而實用小承氣湯枳實厚朴之能除痞大黃之泄實去芒硝不傷下焦血分之真陰謂不伐其根本也若夫大柴胡湯則有表證尚未除而裏證又急不得不下者只得以此湯通表裏而緩治之猶有老弱及血氣兩虛之人亦宜用此故經云轉藥孰緊有芒硝者緊也大承氣最緊小承氣次之調胃承氣又次之大柴胡又次之其大柴胡加大黃小柴胡加芒硝方為轉藥蓋為病輕者設也仲景又云蕩滌傷寒熱積皆用湯液切禁在藥不可不知也

右先將水二鍾滾三沸後入藥煎至八分槌法臨時服入鐵繡水三匙調服立效取鐵性沉重之義最能

○如神白虎湯 卽白虎湯本方自有加減法

○治身熱渴而有汗不解或經汗過渴不解脈來微洪宜用

石膏

知母

甘草

人參

山梔

麥門冬

五味子

心煩者加竹茹一團如大渴心煩背惡寒者依本方

○去山梔加天花粉無渴不可服此藥爲大忌水一鍾薑一枚姜一片槌法加淡竹葉十斤煎之執服

○三黃石膏湯

此湯治陽毒發斑身黃如塗朱眼珠如火狂叫欲走六脈洪大燥渴欲死鼻乾面赤齒黃過經不解已成壞證表裏皆熱欲發其汗病熱不退又復下之大便秘頻小便不利亦有錯治溫證而成此證者又八九日已經汗下後脈洪數身壯熱拘急沉重欲治其內由表未解欲發其表則裏證又急趙趙不能措手待斃而已殊不知熱在三焦閉塞經絡津液榮衛不通

遂成此證又治汗下後三焦生熱脉洪譫語不休晝夜喘息鼻時加衄身自俱黃狂叫欲走者通用此湯治之有神人所不識

石膏壹兩半

黃芩

黃連

黃栢各半

山梔叁拾箇

麻黃

香豉貳合

水二鍾姜二片棗一枚梔法入細茶一撮煎之熱服

三黃巨勝湯

此湯治陽毒發斑狂亂妄言大渴吐衄目赤脉數大便燥實不通上氣喘急舌卷囊縮難治者權以此湯

切之三黃石膏湯內去麻黃豆豉加大黃芩確是也

水二鍾姜一片棗二枚煎之梔法臨服入泥漿清

水二匙調服即安

冲和靈寶飲

治兩感傷寒起於頭痛惡寒發熱口燥舌乾以陽先受病多者以此湯探之中病即愈

羌活

防風

川芎

生地黃

細辛

黃芩

柴胡

甘草

乾葛

白芷

石膏

水二鍾煨生姜三片棗二枚梔法入黑豆一撮煎之

溫服取微汗為愈如不愈表證多而甚急者方可用
麻黃葛根為解表如裏證多而甚急者先以調胃承
氣為攻裏是也

如以陰經自中病發熱下利身疼痛脈沉細無力不
渴倦臥昏重者又當先救裏溫之回陽救急湯是分
表裏寒熱而治此其權變大法也歟古云兩感雖為
死證猶有可救之理及用藥先後寒熱之劑若發表
攻裏一誤則枉死者多矣良可痛哉深可惜哉子將
不傳之妙秘驗之方盡吐露非惟救人有功亦且陰
陽匪輕謹之慎之母息毋忽

桃仁承氣對子

即桃仁承氣湯本方自有加減法

治熱邪傳裏執蓄膀胱其人如狂小便自利大便黑
小腹滿痛身目黃譫語燥渴為蓄血證脈沉有力宜
此湯下盡黑物則愈未服前而血自下者為欲愈不
宜服

桃仁

桂枝

芒硝

大黃

芍藥

柴胡

青皮

當歸

甘草

枳實

水二鍾姜三片煎之臨服槌法入蘇木煎汁三匙
調服

消斑青黛飲

治邪熱傳裏裏實表虛血熱不散熱氣乘於皮膚而為斑也輕則如疹子重則如銀紋重甚則斑爛皮膚或本屬陽誤投熱藥或當下不下或下後未解皆能致此不可發汗重令開泄更加斑爛也然而斑之方萌與蚊迹相類發斑多見於胸腹蚊迹只在於手足陽脈洪大病入昏憤先紅後赤者斑也脈不洪大病入自靜先紅後黃者蚊迹也其或太便自利拂鬱氣短燥屎不通又如果實壓者盧醫復生不能施其巧矣凡汗下不解足冷耳聾煩悶欬嘔便是發斑之候

黃連

甘草

石膏

知母

柴胡

玄參

生地黄

山梔

犀角

青黛

人參

大便實者去人參加大黃

右水三鍾姜一片棗二枚煎之槌法臨服入苦酒

一匙調服

生地芩連湯

此湯治鼻衄成流久不止者或熱毒入深吐血不止者宜用

黃芩

山梔

桔梗

甘草

生地黄

黃連

柴胡

川芎

芍藥

犀角

如無升麻代之

外用切法水紙搭於鼻冲

如去血過多錯語失神撮空閉目不知人事者同治法

水二鍾棗二枚煎至八分槌法臨服入茅根搗汁磨京墨調飲如無茅根以藕搗汁亦可

加味犀角地黄湯

此湯治煩燥激水不下咽者屬上焦有瘀血宜用

犀角

生地黄

牡丹皮

芍藥

甘草

桔梗

陳皮

紅花

當歸

水二鍾姜三片煎之臨服槌法入生藕節搗汁三匙溫服

回陽救急湯 即四逆湯本方自有加減法

治寒邪直中陰經真寒證初病起無身熱無頭疼止惡寒四肢厥冷戰慄腹疼吐瀉不渴引衣喜蓋臥臥沉重或手指甲唇青或口吐涎沫或至無脈或脈來沉遲而無力者宜用

熟附子

乾姜

人參

甘草

白朮

肉桂

陳皮

五味子

茯苓

半夏

或嘔吐涎沫或有小腹痛加鹽炒茱萸

無脈者加猪膽汁一匙

泄瀉不止加升麻黃耆 嘔吐不止加姜汁

水二鍾姜三片煎之臨服入射香三釐調服中病以

手足溫和即止不得多服多則反加別病矣如後止

可用前理中飲加減治之無妨

回陽及本湯

此湯治陰盛格陽陰極發燥微渴面赤欲坐臥於泥

水井中脈來無力或脈全無欲絕者宜用

熟附子

乾姜

甘草

人參

麥門冬

五味子

臙茶

陳皮

面戴陽者下虛也加葱七莖黃連少許用澄清泥漿

水一鍾煎之臨服入蜜五匙頭冷服之取汗為效

柴胡百合湯

此湯治產後昏沉發熱渴而錯語失神及百合勞復等證

柴胡

人參

黃芩

甘草

知母

百合

生地黃

陳皮

渴加天花粉 胸中煩燥加山梔

有微頭疼加羌活川芎 嘔吐入姜汁炒半夏

胸中飽悶加枳殼桔梗

食後者加枳實黃連甚重大便實者加大黃

胸中虛煩加竹茹竹葉

瘧後乾嘔錯語失神呻吟睡不安者加黃連犀角咳

喘者加杏仁百合宜加麻連 別本連作黃

心中驚惕為血少加當歸茯苓遠志

虛汗者加黃耆 屏倦加白朮

腹如雷鳴加煨生姜 勞後時熱不除加葶藶烏梅

生艾汁

水二鍾棗一枚姜三片梔法醋煮驚甲煎之溫服

如聖飲

治剛柔二痧頭揉口噤身反張手足攣搐頭面赤項

強急與藥澁同治法

羌活

防風

川芎

白芷

柴胡

芍藥

甘草

當歸

烏藥

半夏

黃芩

有汗是柔症加白木桂枝 無汗是剛症加麻黃蒼

木 口噤咬牙者加大便實用大黃利之

設在更法

卷三

三

木二鍾姜三片煎之臨服入姜汁竹瀝溫服

○ 溫經益元湯

治因汗後大虛頭眩振振欲擗地并肉瞶筋惕及因
發汗太多衛虛亡陽汗不止或下後利不止身羸扁
者并皆治之

熟地黃 人參 白朮 黃耆

甘草 白芍藥 當歸 生地黃

白茯苓 陳皮 肉桂

如飽悶加枳殼去地黃 如瘦人去芍藥有熱去肉
桂利不止加炒白朮并麻陳壁土去當歸地黃嘔者

加姜汁製半夏 渴者加天花粉

汗後惡風寒屬表虛去附子肉桂生地黃加桂枝膠
飴 水二鍾姜三片棗一枚桂法加糯米一撮煎之

○ 逍遙湯

治有患傷寒瘧後血氣未平勞動助熱復還於經絡
因與婦人交接提憊而復發不易有病者謂之勞復
因交接深憊而無病人反得病者謂之陰陽易予曾
是舌出數寸而死者多矣此證最難治必宜此湯

人參 知母 竹青 如邪縮腹痛倍

加黃連

甘草

滑石

生地黄

萘根

柴胡

犀角

水二鍾，桑二枚，姜三片，煎之，槌法臨服入燒裊，宿未
一錢半調服，有黏汗出為效，不黏汗出再服，以小水
利陰，頭腫即愈。

升陽散火湯

此湯治有患人，又手冒腦，尋衣摸床，譫語昏沉不醒，
人事俗醫不識，見病便呼為風證，或因風藥誤人，死
者多矣，殊不知汗熱乘於肺金，元氣虛不能自主持，
名曰撮空證，小便利者可治，小便不利者不可治。

人參

當歸

柴胡

芍藥

黃芩

甘草

白朮

麥門冬

陳皮

茯苓

有痰者加姜汁炒半夏，大便燥實，譫語發渴，加大
黃，泄漏者加升麻炒白朮。

再造散
水二鍾，姜三片，棗二枚，槌法入金首飾煎之，熱服。

治患頭疼發熱，煩者強惡寒無汗，用發汗藥二三劑，
汗不出者，庸醫不識此證，不論時令，遂以麻黃重藥
及火劫取汗，誤人死者多矣，殊不知陽虛不能作汗。

故有此證名曰無陽證

黃耆

人參

桂枝

甘草

熟附

細辛

羌活

防風

川芎

煨生姜

夏月加黃芩石膏 冬月不必加

水二鍾棗二枚煎至一鍾槌法再加炒芍藥一撮

煎三沸溫服

黃龍湯

治有患心下硬痛下利純清水譫語發渴身熱庸醫不識此證但見下利便呼為漏底傷寒而便用熱藥

止之就如抱薪積火誤人死者多矣殊不知此因

邪傳裏胃中燥屎結實此利非內寒而利乃日逐自

飲湯藥而利也直急下之名曰結熱利證身有執著

宜用此湯身無熱者用前六乙順氣湯

大黃

芒硝

枳實

厚朴

甘草

人參

當歸

年老氣血虛者去芒硝

水二鍾姜三片棗子二枚煎之後再加桔梗一沸

熱服為度

調榮養衛湯

即補中益氣湯

治有患頭疼身執惡寒微渴濺然汗出身作痛脚腿
 酸疼無力沉倦脉空浮而無力痛醫不識因見頭疼
 惡寒發執便呼為正傷寒而大發其汗所以輕變重
 而害人者多矣殊不知勞力內傷氣血外感寒邪宜
 少辛甘溫之劑則愈名曰勞力感寒証故經云勞者
 溫之損者溫之溫能除大熱正此謂也有下證者大
 柴胡下之則緩

人參 黃耆

當歸 生地黃

川芎 柴胡

陳皮 甘草

細辛 羌活

防風 白朮

元氣不足者加升麻少許須知元氣不足者至陽之
 下來其升口渴加天花粉知母喘嗽加杏仁去升麻
 汗不止加芍藥去升麻細辛胸中煩熱加山梔竹茹
 乾嘔者加姜汁炒半夏胸中飽悶加枳殼桔梗去生
 地黃甘草黃耆白朮少許痰盛者加瓜蒌仁貝母去
 防風細辛腰痛去耆朮加芍藥乾姜和之其因血鬱
 內傷有痛處或大便黑加桃仁紅花去芍辛羌防黃
 耆白朮太甚者加大黃下盡瘀血則愈後撮本方去
 大黃調理

水二鍾姜三片棗一枚

棗三

三

棗法入葱白一盞煎之溫服

導赤各半湯

治患傷寒後心下不硬腹中不滿大小便如常身無寒熱漸變神昏不語或睡中獨語一二句目赤唇焦舌乾不飲水稀粥與之則嘔不語則不思形如醉人庸醫不識而誤人者多矣殊不知熱傳手少陰心也心火上而逼肺所以神昏名越經證

黃連

黃芩

甘草

犀角

麥門冬

滑石

山梔

茯神

知母

人參

水二鍾姜棗煎之加燈心一握煎沸服

益元湯

治有患身熱頭疼全無不煩便作燥問面赤飲水不得入口庸醫不識呼為熱證而用涼藥誤死者多矣殊不知元氣虛弱是無根虛火泛上名曰戴陽證

熟附

甘草

乾姜

人參

五味

麥門冬

黃連

知母

葱

艾

水二鍾姜一片棗二枚煎之臨服梔法入童便三匙頓冷服

桂苓飲

設車追去

卷三

三八

治有患初得病無熱譫語煩燥不安精采不與人相
當庸醫不識呼為狂發誤用下藥死者多矣殊不知
此因熱結膀胱名曰如狂證

猪苓 澤瀉 桂枝 甘草
白朮 知母 黃酒 山梔

蘇葉

水二鍾姜三片煎至一鍾槌法再加滑石末一錢煎
三沸溫服取微汗為效

當歸活血湯

有患無頭疼無惡寒止則身熱發渴小便大便黑

口出無倫語庸醫不識呼為熱證而用涼劑誤人多
矣殊不知內傳心脾二經使人昏迷沉重故名挾血
如見崇

當歸

赤芍藥

甘草

紅花

桂心

乾姜

枳殼

生地黃

人參

柴胡

桃仁泥

服三劑後去桃仁紅花乾姜桂心加白朮茯苓
水二鍾姜一片煎之槌法入酒三匙調服

加味導痰湯

有患情寒壯熱頭痛昏沉迷悶上氣喘急口出涎沫

庸醫不識皆為傷寒治之誤人多矣殊不知此因內傷七情以致痰迷心竅神不守舍神出舍空空則痰生也名曰挾痰如鬼祟痰證類傷寒與此同治法

茯苓

半夏

南星

枳實

黃芩

白朮

陳皮

甘草

桔梗

黃連

瓜蒌仁

人參

年力壯盛先用吐痰法次服此湯
水二鍾姜三片棗二枚煎之臨服槌法入竹瀝姜汁
溫服

○ 加減調中飲

治食積類傷寒頭疼發熱惡寒氣口脈緊盛但身不痛此與為異耳經云飲食自倍腸胃乃傷輕則消化重則吐下此良法也

蒼朮

厚朴

陳皮

甘草

白朮

山查

神曲

枳實

草菓

黃連

乾姜

腹中痛加桃仁 痛甚大便實熱加大黃下之去山

查草菓神曲乾姜

心中兀兀欲吐者與乾霍亂同吐法用滾水一碗入鹽一撮皂莢末五分探吐

水二鍾姜一片煎之槌法臨服入木香磨取汁調飲即效

○加減續命湯

治脚氣類傷寒頭疼身熱惡寒支節痛便秘嘔逆脚軟屈弱不能轉動但起於脚膝耳禁用補劑及淋洗

防風

芍藥

白朮

川芎

防己

桂枝

甘草

麻黃

蒼朮

羌活

暑中三陽所患必熱脉來數去附子桂枝麻黃加黃芩
水黃栢柴胡

寒中三陰所患必冷脉來遲加附子

起於濕者脉來弱加牛膝木瓜

起於風者脉來浮加獨活 元氣虛加人參少許大便實者加大黃

便實者加大黃

水二鍾棗二枚姜一片燈心二十莖煎之槌法入姜汁調之温服

○苓連消毒湯

治天行大頭病發熱惡寒頭項腫痛脉洪取作痰火治之其喉痺者亦照此方治之

柴胡

甘草

桔梗

川芎

黃芩

荊芥

黃連

防風

羌活

枳殼

連翹

射干

白芷

先加大黃利去一二次，後依本方去大黃加入參

當歸調理

水二鍾姜三片煎至一鍾鼠黏子一撮再煎一沸梘

法入竹瀝姜汁調服

六神通解散

石時行三月後謂之晚發頭痛身熱惡寒脈洪數先

用沖和湯不愈後服此湯

麻黃

甘草

黃芩

石膏

滑石

蒼朮

川芎

羌活

細辛

水二鍾姜三片梘法入豆豉一撮葱白一莖煎心熱服取汗中病即止

老酒
連翹
先加大黃利去十二次後依本方去

頭項中疎咽也

水二盞姜三片煎盡人豆豉一匙煮白一匙煎以

麻辛

散

蒼朮

川芎

麻黃

甘草

黃芩

石膏

傷寒一提金卷之四

餘杭節菴陶華述

新安吳中珩校

一提金啓蒙

余謂初學醫者先熟藥性次明經絡再識病名然後
講解脈理以證其所生病證脈相同藥無不應病家
云發熱惡寒頭項痛腰脊強則知病在太陽經也身
熱目痛鼻乾不得眠則知病在陽明經也腦脇痛耳
聾口苦舌乾往來寒熱而嘔則知病在少陽經也腹

一提金

卷四

一

滿咽乾手足自溫或自利不渴或腹滿時痛則知病在大陰經也引衣蹠卧惡寒或舌乾口燥則知病在少陰經也煩滿裏縮則知病在厥陰經也潮熱自汗譫語發渴不惡寒反惡熱揭去衣被揚手擲足或發斑黃狂亂五六日不大便則知病在正陽明胃腑病也設若脈證不明誤用麻黃令人汗多亡陽誤用承氣令人大便不禁誤用姜附令人失血發狂正為寒涼耗其胃氣辛熱損其汗液燥熱助其邪熱庸醫殺人莫此為甚傷寒之邪實無定體或入陽經氣分則太陽為首其脈必浮輕手便得或入陰經血分則少

陰為先其脈必沉重手方得浮而有力無力是知表之虛實沉而有力無力是知裏之寒熱中而有力無力是知表裏緩急脈有浮沉虛實證乃傳變不常治之之法先分表裏寒熱陰陽虛實標本先病為本次病為標先以治其急者此為上工問證以知其外察脈以知其內全在活法二字不可拘於日數但見太陽證在直攻太陽但見少陰證在直攻少陰但見真寒直救真寒但見三證具便作主張不必悉具當如何處治此為活法若同而異者明之但足而非者辯之在表者汗之散之在裏者利之下之在上者因而

越之下陷者升而舉之從乎中者和解之直中陰經者溫補之若解表不開不可攻裏日數雖多但有表證而脈浮者尚宜發散此事不明攻之為逆經云一逆尚引日再逆促命期若表證解而裏證具者不可攻表日數雖多但有裏熱證而脈沉實者急當下之此事不明禍如反掌經云邪熱未除復加燥熱抱薪積火矣如直中陰經真寒證然無熱惡寒不渴急宜溫補切禁寒涼此事不明殺人甚速經云非徒無益而反害之陰證但陽者溫之陽證但陰者下之陽毒者分輕重下之陰毒者分緩急溫之陽注者下之陰

厥者溫之少陰熱發黃者利之下之血證發黃者清之下之發斑者清之下之譫語者下之瀉之痞滿者瀉之瀉之結胸者解之下之太陽證但少陰者溫之少陰證但太陽者汗之衄血者解之止之發喘者汗之下之咳嗽者利之解之正傷寒者大汗之大下之感冒暴寒者微汗之微下之勞力感寒者溫散之溫極病者微解之大下之此經常之大法也有病一經已用熱藥而又用寒藥如少陰證用白虎湯四逆散寒藥者少陰證用四逆湯真武湯熱藥者庸俗狐疑詎能措手哉嗚呼能奪傷寒之證名而得傷寒之方脈

如此親切乃爲良醫是知寒藥治少陰乃傳經熱證也是知熱藥治少陰乃直中陰經之寒證也辨名定經明脉識證驗證用藥真知在表而汗真知在裏而下真知直中陰經而溫如此而汗如彼而下又如彼而溫幸熱之劑投之不差寒涼之藥用之必當病奚逃乎頃分輕重緩急老少虛實久病新發婦人胎產室女經水大凡有胎產而傷寒者不與男子傷寒同治法無胎產者治相同婦女經水適斷適來寒熱但瘧者即是熱入血室但當和解表裏久病者過經不解壞證也新發者始病也老者血氣衰少者血氣壯緩者病之輕急者病之重寒藥熱服熱藥涼服其中和之劑溫而服之戰汗分爲四證要知邪正盛衰類傷寒四證照常法則治之雖云發家實登仲景之梯階也余雖專傷寒科必出乎庸俗誇誕之醫萬萬且余一生所蓄肺腑家秘語句方法俱已備載發揮窺我門墻者雖有多人然片言不繁之要不得再四經旨詳明故述啓蒙捷法脉要貫珠數一一開註明白所示自宜謹慎深密勿授受於非人毋輕泄於澆薄莫負我之用心耳

一提金六經證治捷法

大陽經見證法

頭項痛腰脊強發熱惡寒惡心是足太陽膀胱經受證假如先起惡寒者本病已後發熱者標病若有一毫頭痛惡寒身熱不拘日數多少便宜發散自然熱退身涼有何變證

辨證法

表虛自汗者為風傷衛氣宜實表
表實無汗者為寒傷榮血宜發表

診脈法

脈浮緊有力為傷寒

脈浮緩無力為傷風

用藥法

冬月正傷寒用升陽發表湯即加減麻黃湯

冬月傷風用疎邪實表湯即加減桂枝湯

春秋無汗用羌活沖和湯發表有汗用加減沖和湯

實表

夏月無汗用神木湯有汗用前加減沖和湯

陽明經見證法

目痛鼻乾不眠微惡寒是足陽明胃經受證假如先起目痛惡寒身熱者陽明經本病已後潮熱自汗者

一掛金 卷四 五
語發渴大便實者正陽明胃腑標病本宜解肌寒宜
急下只看消息用之

辯證法

目痛鼻乾微惡寒身熱病在經

潮熱自汗譫語發渴便實不惡寒病在腑

診脈法

脈見微洪爲經病

脈見沉數爲腑病

用藥法

微惡寒自然目眩痛鼻乾不眠者用柴葛解肌湯即

加減葛根解肌湯渴而有汗不解者加用白虎湯即
加減白虎湯

潮熱自汗譫語發渴揭去衣被楊手柳足斑黃狂亂
不惡寒反怕熱大便實者輕則大柴胡湯重則三承
氣選用俱在秘方六一順氣湯內加減治之

少陽經見證法

耳聾脇痛寒熱嘔而口苦是足少陽膽經受證假如
先起惡寒身熱耳聾脇痛者本病已後嘔而舌乾口
苦者標病緣膽無出入病在半表半裏之間止宜小
柴胡一湯加減和解表裏治之再無別湯本方自有

一加減法此經有三禁不可汗下吐也若治之得法有何壞證常須識此宜當審焉

辨證法

耳聾腸瀉寒熱嘔而口苦舌乾便屬半表半裏證不從標本從乎中治

診脈法

脈見弦數本經證

用藥法

耳聾腸瀉寒熱嘔而口苦舌乾者用柴胡桂枝湯飲即加減小柴胡湯

太陰經見證法

腹滿自利津不到咽手足溫者是足太陰脾經受證假如先起腹滿咽乾者本病已後身自黃標病內有寒熱所分不可混治臨病之際用在得宜

辨證法

腹滿咽乾發黃者屬腑熱

自利不渴或嘔吐者屬臟寒

診脈法

脈見沉而有力宜當下

脈見沉而無力宜當溫

用藥法

腹滿咽乾手足溫腹痛者桂枝大黃湯即加減桂枝湯身目黃者茵陳大黃湯即加減茵陳湯自利不渴或嘔吐者加味理中飲即加減理中湯重則回陽救急湯即加減四逆湯

少陰經見證法

舌乾口燥是足少陰腎經受證假如先起舌乾口燥者本病已後譫語大便實者標病至陰經則難拘定法或可溫而或可下因分直中者寒證傳經者熱證是其發前人之所未發也

辯證法

大要口燥舌乾渴而譫語大便實者知其熱須詳嘔吐瀉利不渴或惡寒腹痛者別其寒

診脈法

脈見沉實有力宜當下
脈見沉遲無力宜當溫

用藥法

口燥咽乾渴而譫語大便實或達臍硬痛或下利純清水心下硬痛者俱是邪熱燥屎使然急用六乙瀉氣湯分輕重下之即承氣湯有加減法無熱惡寒厥

冷踈卧不渴或腹痛嘔吐瀉利沉重或陰毒手指甲唇青嘔逆絞痛身如被杖面如刀刮戩慄者俱是寒邪中裏使然急用回陽救急湯温之即四逆湯有加減法

厥陰經見證法

煩滿囊拳者是足厥陰肝經受證假如先起消渴煩滿者本病已後舌卷囊縮者標病亦有寒熱兩端不可槩作熱治

辯證法

煩滿囊拳消渴者屬熱

口吐涎沫不渴厥冷者屬寒
侶瘧不嘔清便必自愈

診脉法

脉沉實者宜當下
脉沉遲者宜當温
脉浮緩者病自愈

用藥法

消渴煩滿舌卷囊縮大便實手足乍冷乍温者急用六乙順氣湯下之即承氣湯有加減法口吐涎沫或四肢厥冷不温過乎肘膝不渴小腹絞痛嘔逆者急

用茱萸四逆湯溫之即回陽救急湯自有加減法

一提金脉要

或人問曰治傷寒先明脉證脉證不明取方無法脉證既明工中之甲夫脉之一字實先天後天之造也何為先天何為後天何為脉也答曰人之陰陽即為先天人之氣血即為後天脉者非血非氣乃血氣之先即營行之道路又問曰既知先後天之脉理須明持脉之要曰舉曰按曰尋三字若此不明則陰陽表裏虛實何以別之持脉者輕手循之曰舉重手取之曰按不輕不重委曲求之曰尋初持輕手候之脉見

皮膚之間便得曰浮是太陽經脉也有力者主寒邪在表無汗為寒傷榮血表實者宜汗之無力者主風邪在表有汗為風傷衛氣表虛者宜實之脈附於肌肉之下筋骨之間而得曰沉是三陰經脉也其三陰俱是沉脉妙在指下有力無力中分有力者主熱邪在裏為裏實宜下之無力者主寒邪中裏為裏虛宜溫之不輕不重中而取之乃得其脉應於血肉之間陰陽相半若見微洪是陽明經脉也主邪在表多裏少宜解肌若見弦數是少陽經脉也主邪在半表半裏宜和解前之所云陰陽表裏虛實寒熱俱在浮中

沉三脉有力無力中分有力者爲陽爲實爲熱無力者爲陰爲虛爲寒若浮沉中之不見則委曲而求之若隱若見則陰陽伏匿之脉也三部皆然或曰君之了然非庸俗所能識也其二脉中有進退焉有伏脉焉有可解不可解焉有歇至焉有燥亂焉請備言其所由谷曰脉大者爲病進大則邪氣勝而正氣無權脉緩者爲邪退緩則胃氣和而邪氣無權何謂伏脉一手無脉曰單伏兩手無脉曰雙伏若病初起頭痛發熱惡寒而脉伏者緣陰邪陷於陽中不得發越此欲汗而當攻之使邪氣退而正氣復脉自至而病自

除如欲雨則天鬱熱晴霽天乃反涼之可見也若七八日以來別無刑尅證候或昏冒不知人事或脉全無者此欲汗而勿攻之如六合陰晦雨後瘴物皆懸換陽之吉兆也何謂可解不可解脉浮緩在表者以汗解之脉沉實在裏者以下解之脉沉遲在裏者以溫解之且夫浮汗沉下而溫固其宜也然浮宜下沉宜汗其故又何耶谷曰浮而下者因大便難也設使大便不難豈敢下乎沉而汗者因表有熱也設使身不發熱豈敢汗乎何謂歇至如寒邪直中陰經溫之而斷續者爲歇至何謂燥亂因汗下後脉當靜今反

盛者曰燥亂大凶之兆也然則君之言有所據乎吁
 難言也此出經常大法之格語也客欣然起而謝曰
 予雖白首無窮生平仰慕不意邂逅幸獲開予茅塞
 正謂癩鼠而發千鈞之弩甚所不當可謂切而磋琢
 而磨者也較今庸俗實醯雞坎蛙不知甕外之有天
 井外之有海耳感君發明于後豈非再來人乎遂筆
 錄以示之

提金貫珠數

交霜降至春分冬月發者為正傷寒表證見者用辛
 熱之藥大發汗裏證見者用寒涼之藥急攻下此與
 非時傷寒不同治方論開的本槌法中不再錄

交春分至夏至前有頭疼發熱不惡寒而渴者為溫
 病用辛涼之藥微解肌不可大發汗裏證見者用寒
 涼之藥急攻下若誤下之未必為害誤汗之變不可
 言當須識此三月後得此證者為晚發治發同表證
 不與冬時正傷寒同治法裏證治相同方論開在的
 本槌法中不再錄

交夏至後有頭疼發熱不惡寒而渴此名溫病愈加
 熱者名熱病止用辛涼之藥微解肌不宜大發汗裏
 證見者止用大寒之藥急攻下表證不與正傷寒同

治法裏證治相同方論開在的本槌法中不再錄
及秋至霜降前有頭疼發熱不惡寒身體痛小便短
者名溫病亦用辛涼之藥加燥劑以解肌亦不宜大
發汗裏證見者用寒涼藥急攻下表證不與正傷寒
同治法裏證治相同方論開在的本槌法中不再錄
其春夏秋三時有患頭疼身熱亦有惡寒者即是感
冒非時暴寒之輕非比冬時正傷寒之重俱用辛涼
之劑小發汗若裏證見者用寒涼之藥急攻下表證
不與正傷寒同治法裏證治相同方論開在的本槌
法中不再錄

其四時有患頭疼發熱惡寒身體倦痛骨腿酸疼自
汗出口微渴脈空浮大而無力名勞力感寒證當用
溫涼之劑溫經散寒切禁大發汗裏證見者中和之
劑加藥後下之不可急攻利方論開在的本槌法
中不再錄

其四時有患頭疼身熱惡寒老幼相傳者名時疫證
用辛涼之藥微解表裏證見者急攻下從病制宜不
與正傷寒同治法方論開在的本槌法中不再錄
若先起頭疼發熱惡寒已後傳裏頭疼惡寒皆除而
反怕熱發渴譫語或潮熱自汗大便不通或揭去衣

被揚手擲足或發斑黃狂亂此爲陽經自表傳入陰
經之熱證俱當攻裏下之設或當下失下而變出手
足乍冷乍溫者因陽極發厥即陽證似陰名陽厥急
當下之又有失於汗下或本陽證誤投熱藥使熱毒
入深陽氣獨成陰氣暴絕登高而歌棄衣而走罵詈
叫喊燥渴欲死面赤眼紅身發斑黃或下利赤黃六
脉大名陽毒發斑證用酸苦之藥令陰氣復而大汗
解矣如大便實者又當大寒之藥下之此與發狂不
同治方論開在的本槌法中不再錄一

瀉利不渴躁臥沉重戰慄脉沉細此爲直中陰經直
寒證不從陽經傳來當用熱藥溫之如寒極而手足
厥冷過乎肘膝者因寒極發厥名陰厥急當救裏溫
之此與陽厥不同治又有初病起外感寒邪內傷生
冷內傷伏陰內外皆寒或本真陰誤投涼藥使陰氣
獨盛陽氣暴絕以致病起手足厥冷腰背強重頭眼
眶痛嘔吐煩悶下利腹痛身如被杖六脉沉細湯飲
不下已後毒氣漸深入腹攻心咽喉不利腹痛轉甚
心下脹滿結硬如石燥渴欲死冷汗不止或時鄰聲
指甲面色青黑速灸關元氣海須服大熱之劑溫之

此名陰毒令陽氣復而大汗解矣

若夏月大發熱頭疼燥渴背惡寒微汗脉虛無力口齒燥者名中暑用寒涼之劑清之方論開在雜證中不再錄

若病人身微熱煩燥面赤戴陽欲坐卧於泥水井中脉來沉細無力此陰發燥名陰燥當用辛熱之藥溫之不宜涼劑誤用之且燥急渴甚必死矣若病人身冷脉沉細而疾雖煩燥不欲傾水入口者此名陰盛格陽亦用大熱之劑溫之方論開在的本槌法中不再錄

一傷寒失於汗下使熱邪傳裏燥渴譫語小水自利大便黑小腹硬痛或身黃是下焦畜血如狂證此與陽狂不同治宜下盡藥物則愈方論開在的本槌法中不再錄

一傷寒初得病時表熱但狂言煩燥不安精采不與人相當此因熱結膀胱其人如太陽經之裏證也自有太陽經之裏藥治不與陽狂同治法方論開在的本槌法中不再錄

一傷寒小水不利大便實小腹滿燥渴譫語怕熱身目黃此名濕熱發黃輕則疎利重則大下此與血證

發黃不同治方論開在的本槌法中不再錄

一傷寒失於汗下血熱不散故成發斑大抵不宜發汗輕則化之重則下之起於胸腹先紅後赤者曰發斑起於手足先紅後黃者曰蚊迹臨病之際宜詳審焉方論開在的本槌法中不再錄

一傷寒少陰證惡寒發熱無頭疼誤以大發汗使血從耳目口鼻中出者名陰血多不治此與鼻衄陽血不同治方論開在的本槌法中不再錄

一傷寒太陽證發熱惡寒頭痛或微喘鼻中出血者爲衄血名陽血瀕分點滴成流此與陰血不同治方

論開在的本槌法中不再錄

一傷寒失於汗下邪熱傳裏使水涸糞燥大便不通必發譫語或心下硬痛下利純清水燥渴口出無倫語亦譫語凡此皆實當寒涼之劑下之又有汗多亡陽或下後利不止身疼痛或自利清穀譫語者凡此皆虛當辛熱之劑溫之此與狂言相類方論開在的本槌法中不再錄

一傷寒餘熱不除蘊在心胞使精神短少胃味昏沉脛中言語一二句者名獨語宜涼劑清之此與譫語不相類方論開在的本槌法中不再錄

一傷寒因汗下後正氣虛而本音失則鄭重語散不知高下大小便自利手足冷名鄭聲宜中和之劑治之此與獨語不相類方論開在的本槌法中不再錄

一傷寒差後交接淫慾無病人反得病者名陰陽易宜清涼解毒之劑治之此與女勞復不相類方論開在的本槌法中不再錄

一傷寒差後交接淫樂不因易自病復發者名女勞復與前陰陽易同治法方論開在的本槌法中不再錄

一傷寒失於汗下或因汗下後虛令人氣逆不相接

續者名短氣分虛實治之此與喘證不相類方論開在的本槌法中不再錄

一傷寒失於汗下或因飲水過多令人撞肩擗肚氣逆上者名發喘分表裏水氣治之此與短氣不相類方論開在的本槌法中不再錄

一傷寒麻黃湯證誤下之心下滿悶不痛者名痞氣分虛實治之此與結胸不相類方論開在的本槌法中不再錄

一傷寒桂枝湯證誤下之心下滿硬而痛名結胸分緩急治之此與痞滿不相類方論開在的本槌法中

不再錄

一傷寒證病一陽經或三陽經同病不傳者名合病分在經過經治之此與併病不相類方論開在的本槌法中不再錄

一傷寒證一陽經先病未盡又過一經之傳者名併病分在經在腑治之此與合病不相類方論開在的本槌法中不再錄

一傷寒或汗下大過或恣飲冷水水寒相搏虛逆聲濁惡而長名噦此與乾嘔不相類輕則和解疎利重則溫散方論開在的本槌法中不再錄

一傷寒熱在胃口與谷氣併熱氣上薰無物名乾嘔分實熱水氣治之此與噦證不相類方論開在的本槌法中不再錄

一傷寒有頭疼發熱惡寒脉沉此名太陽脉但少陰當辛溫之劑散之與少陰證不相類方論開在的本槌法中不再錄

一傷寒無頭疼止則發熱惡寒脉沉此名少陰證但太陽當辛溫之劑散之與太陽證不相類方論開在的本槌法中不再錄

一傷寒頭疼惡寒身熱者名表熱以辛散之與裏熱

不相類方論開在的本槌法中不再錄

一傷寒與頭及無惡寒反怕熱燥渴口苦舌乾譫語

大便實名裏熱此與表熱不相類方論開在的本槌

法中不再錄

一傷寒頭及身熱惡寒者名表惡寒當辛甘散之此

與裏惡寒不相類方論開在的本槌法中不再錄

一傷寒無頭及身熱而惡寒厥冷蹇背不渴或吐

瀉腹痛戰慄者名裏惡寒當辛熱之刺溫之此與表

惡寒不相類方論開在的本槌法中不再錄

一提金卷之四終

傷寒證脈藥截江綱卷之五

餘杭節菴陶華述

新安吳中珩校

傷寒

傷寒之病非比雜科乃大方脈之首務也其間脈理

精深良震無常死生反掌甚所難明苟或有稱治傷

寒者未免羊質虎皮然則名譽虛隆而實德則病矣

余早年盲學昏昏如蠅觸牆後得漢長沙張仲景先

師治法所得石函遺著名曰遺芳嘉秘玩而誦之以

開茅塞手足舞蹈不自知也數試數驗豈不玃重哉
第恐吾老子亦猶前之昏學臨病無措故將遺旨應
手得心訣法纂以成集名曰傷寒證脈藥截江網存
與朝夕備覽以看省已之愚原夫傷寒之脈浮大動
數滑爲陽沉澁弱弦微爲陰其弦緊浮滑沉澁六者
爲殘賊之脈故諸脈作病春弦夏洪秋毛冬石土緩
爲四季之正脈浮沉遲數爲客主左爲人迎右爲氣
口呼出心肺爲陽吸入腎肝爲陰一呼一吸爲一息
寸口爲陽尺澤爲陰中爲關界陽主氣陰主血血爲
榮氣爲衛寒則傷榮風則傷衛理自然也所謂傷寒

之病從淺入深先以皮膚肌肉次入筋骨腸胃專以
浮中沉遲數辨其陰陽寒熱及表裏虛實而斷之矣
諸浮爲在表輕手于皮膚之上便得之曰浮略重指
于皮膚之下肌肉之上陰陽各半得之曰中証屬半
表半裏諸沉爲在裏重手于肌肉之下筋骨之間方
得之曰沉屬陰諸遲爲在臟屬寒諸數爲在腑屬熱
陰陽寒熱虛實用在有力無力中分有力者爲陽爲
熱爲實無力者爲陰爲寒爲虛雜病以弦爲陽傷寒
以弦爲陰雜病以緩爲弱傷寒以緩爲和傷寒以大
爲病進以緩爲邪退緩爲胃脈有胃氣曰生無胃氣

曰死傷寒病中有神脉如脉中有力即為有神神者
 氣血之先也兩手無脉曰雙伏一手無脉曰單伏必
 有正汗也寸口陽脉中或見沉細者但無力者為陽
 中伏陰尺部陰脉中或見沉數者為陰中伏陽寸口
 數大有力為重陽尺部微而無力為重陰寸口細微
 如絲為脫陽尺部細微無力為脫陰寸脉浮而有力
 主寒邪表實宜汗浮而無力主風邪表虛宜實尺脉
 沉而有力主陽邪在裏為實宜下無力主陰邪在裏
 為虛宜溫寸脉弱而無力切忌發吐尺脉弱而無力
 切忌汗下初按來疾去遲名曰內虛外實去疾來遲

名曰內實針虛尺寸俱同名曰緩緩者和而生也汗
 下後脉靜者生躁亂身熱者死乃邪氣勝也溫之後
 脉來歇止者正氣脫而不復生也純弦之脉名曰負
 負者死按之解索名曰陰陽離離者死陰病見陽脉
 者生陽病見陰脉者死

傷寒標本論治

病之有標本猶草之有根苗按茅酒連其茹治病必
 求其本標本不明處方何據所謂瞑目夜行無途路
 而可見矣原夫六氣為本三陰三陽經為標病氣為
 本臟腑經絡受病為標先受病為本次受病為標且

如尺寸俱浮者大陽受病也其經標本膀胱小腸也
 膀胱寒水為本其脈循脊上連風府故頭疼脊強小
 腸為標主發熱其正冬月時在本者麻黃湯在標者
 桂枝湯餘月改用沖和湯也尺寸俱長者陽明受病
 也其經標本大腸與胃也大腸為標燥金為本大腸
 與肺為表裏但發熱解肌湯本脈絡鼻循目故目痛
 鼻乾不眠虛則汗解實則大柴胡承氣選用尺寸俱
 弦者少陽受病也其經標本三焦與膽也三焦相火
 本也遊行乎一身故微熱足膽標也其脈循脇絡耳
 故耳聾脇痛寒熱嘔而口苦緣膽無出入之路故從

中治証用小柴胡和解散而愈其經有三葉浮下注
 是也尺寸俱沉者太陰受病也其經標本脾與胃也
 脾標脈循咽脾本濕土故腹滿咽乾當得本治宜泄
 大柴胡承氣也尺寸俱微沉者少陰受病也其經標
 本心與腎君火為本心苗舌故舌燥標腎脈循肺主
 口乾故口乾舌燥故在標者因身冷治主姜附也在
 本者宜下三乙承氣看微甚而用之尺寸俱微緩厥
 陰受病也其經標本肝與心包絡也風木為本下循
 陰器故囊縮標心包絡繫舌故舌卷大抵溫之四逆
 葦其四經并前三經中若有陽分傳來者下之庶不

誤也

論傷寒正治逆治反攻寒熱辨

寒熱真假不可不知正治逆治豈可不辨假如熱病服寒藥熱不退後用熱藥而熱方退假如寒病服熱藥而寒不退後用寒藥而寒方退者此為從治也從治者反攻也治熱病以寒藥而愈治寒病以熱藥而愈者逆治也逆治者正治也且反攻之法入亦難曉者多如寒病服寒藥而愈者此陽極變陰熱極反得水化也熱病服熱藥而愈者此陰極變陽寒極反得火化也蓋物極則反也

論傷寒用藥法則

標本逆從之既明五劑之藥須用識且如表汗用麻黃無葱白不發吐痰用瓜蒂無豆豉不瀉去實然用大黃無枳實不通溫經用附子無乾姜不熱甚則以泥清水加葱白煎之竹瀝無姜汁不能行經絡蜜導無皂角不能通秘結非半夏姜汁不能止嘔吐非人參竹葉不能止虛煩非小柴胡不能和解表裏非五苓散不能通利小便非天花粉乾葛不能消渴解肌非人參麥門冬五味不能生脉補元非犀角地黃不能止上焦之吐衄非桃仁承氣不能破下焦之瘀血

非黃芪桂枝不能實表間虛汗非茯苓白朮不能去濕助脾非茵陳不能除黃疸非承氣不能制定發狂非枳桔不能除痞滿非陷胃不能開結胸非羌活沖和不能治四時之感冒身疼非人參敗毒不能治毒瘡非四逆不能救陰厥非人參白朮不能化斑非理中烏梅不能治蛇厥非桂枝麻黃不能除冬月之惡寒熱隨汗解非姜附湯不能止陰寒之泄利非大柴胡不能去實熱之妄言陰陽咳嗽上氣喘急用加減小青龍分表裏而可汗下此傷寒用藥之大法也

傷寒統論受病之由

夫傷寒者冬時天氣嚴寒水冰地凍而成殺厲之氣正乃腎與膀胱坎水用事脾虛觸胃之人中而即病曰傷寒不即病者乃寒毒藏于肌膚此因腎水不足春木無以發生熱不能發泄藏于內遇感而發至春變為溫病至夏變為熱病熱病在於溫病也雖曰傷寒實為熱病非時行之氣春應暖而反寒夏應熱而反涼秋應涼而反熱冬應寒而反溫此非其時而有其氣是一歲之中長幼病皆相似者是時行不正之氣非暴厲之氣暴厲者疫病也疫病者乃春分至秋分前天有暴寒皆為時行之寒疫也又有四時

洞場

之正氣者春氣溫和夏氣暑熱秋氣清涼冬氣凜冽
 此四時之正氣也然正氣亦能為病春傷于風夏必
 張泄夏傷于暑秋必瘧痢秋傷于濕冬必咳嗽冬傷
 于寒春必溫病總曰傷寒病自外而入或入于陽或
 入于陰非但始于太陽終于厥陰或有太陽傷者或
 有傳至一二經而亡者或有始終只在一經者或有
 起經而傳者或有人太陽不作鬱熱便入少陰而成
 陰証者或有直中陰經而成寒証者緣經無明文故
 多妄治若三陽傳至三陰之陰証外雖有厥冷內有
 熱邪耳若不發熱四肢便厥惡寒者此是直中陰經

之陰証也蓋先起三陽氣分傳入三陰血分則熱深
 厥亦深矣此九則皆承通制者以熱極反寒寒化也
 先熱後厥者傳經陰証也故宜因逆散木承氣看微
 甚而下之如初病無熱無厥者此直中陰經之無證
 也宜兩道湯溫之

傷寒無陰證辨

傷寒無陰證人傷于寒則為病熱熱病乃汗病也造
 化汗液皆陽氣也冬時腎水用事為傷寒者其風傷
 于榮衛使人毫毛畢直皮膚閉而為熱初入太陽勝
 胱受證頭疼惡寒發熱腰脊強直按至皮膚之上下

手便得脉來浮緊有力無汗為傷寒表證寒則傷榮
血冬用麻黃湯開發腠理表汗除邪脉來浮緩無力
有汗怕風為傷風風則傷衛氣冬用桂枝湯充塞腠
理止汗散邪其餘月時雖無惡寒為重也治三時感
寒無汗以羌活冲和去地黃加紫蘇藿香以發散之
有汗用加減羌活湯如用桔梗湯止汗退邪必加涼
藥于中免班出黃生之患此謂無伐天和也若將冬
時正傷寒之藥通治非時暴感寒熱定為害矣

論傷寒難拘日數辨

假如一日至十三日若有一毫頭痛惡寒者每日如

此不論日數多少尚有表證未解還用微汗不可攻
裏若攻下之則為結胸等證也

一二日惡寒皆除便竅胸中滿悶疼痛大便閉渴而
不惡寒反怕熱熱入裏也木柴劫承氣下之切不可
拘于日數并始太陽終厥陰之論也

二三日邪傳陽明胃身熱目痛鼻乾不眠按至皮膚
之下肌肉之間脉來微洪而長者屬半表半裏渴而
無汗葛根湯渴而有汗人參白虎湯微微惡寒者桂
枝湯若無頭疼惡寒而反怕熱便閉燥渴狂言譫語
揭去衣被揚手擲足者此為熱邪傳入陽明之本脉

來沉數有力正宜承氣湯下之泄去胃中實熱燥屎而愈也

三四日邪傳少陽膽胸脇痛而耳聾寒熱嘔而口苦按至半陰半陽及脈來弦數者是半表半裏也緣膽無出入之路用小柴胡其經有三禁汗下吐也蓋陽明與少陽三經不從乎中治也中者半表半裏兩陽交中名曰少陽也

四五日邪傳太陰脾腹滿咽乾口燥而渴按至筋骨之間脈來沉而有力者桂枝大黃湯若不渴自利身無熱脈來沉緩無力者四逆湯溫之也

五六日邪傳少陰腎口乾口燥重指按至筋骨之間脈來沉而有力者正用大柴胡承氣下之若發渴自利清水不多腹脹者亦當下之但是陽邪傳入陰經之陰證也若有一時初起不入太陽竟入太陰無頭疼身熱便見四肢厥冷怕寒或腹痛自利小便清白脈沉無力或脈全無者此是直中陰經之陰證也非是三陽傳來急用附子理中湯溫之脈沉有二陰陽寒熱虛實用在有力無力中分有力為熱無力為寒又有少陰太陽二證相併脈沉無力當無熱今反有熱如不頭痛者陰證反陽也麻黃細辛湯身發熱脈

當浮大今反沉細若有頭痛者陽證及陰也四逆湯王之

六七日邪傳厥陰肝煩渴囊縮舌卷耳聾身不熱大便閉按至筋骨之間脈實絃而有力正用承氣下之寒邪從三陽傳入三陰外有厥冷內有邪熱耳如脈微而無力腹痛自利不渴四肢厥冷怕寒者直陰寒證也附子理中湯溫之口中出沫流涎者亦寒也茱萸理中湯主之

傷寒陽厥陰厥辨

陽厥脈沉而有力腹痛後重大便稠粘小便赤澀或

大便不通必是先熱後厥也其四肢雖冷上不過肘下不過膝此熱深陽厥也承氣湯下之陰厥脈沉而無力口不渴四肢痛甚及大便泄利小便清白而身怕寒面如刀刮四肢厥冷上過乎肘下過乎膝此陰厥也四逆湯治之兩陽交盡名曰厥陰也大抵三陰無得經胃實熱可下也又有傷寒兩感者病為巨陽老陰也

看傷寒識証內外須知

大抵傷寒先須識証察得陰陽表裏虛實寒熱親切復審汗吐下溫和解之法治之庶無差誤先看兩目

次看口舌後以手按其心胸至小腹有無痛滿用藥
如目昏黃必為欲愈之病也眼胞忽陷目睛直視必
難治也開目欲見人屬陽閉目不欲見人屬陰目睛
不明神水已竭不能照物者亦難治也
次看口舌上有白胎者為熱見黃胎者為熱甚見黑
胎及生芒刺者必死

後按其心胸有痛而滿悶者亦未經下之為表邪尚
在少陽部分只用小柴胡湯加枳殼棗核為的如按
其心下滿痛甚者已經下矣為結胸正用陷胸湯看
微甚而用之陷胸宜從緩治結胸證煩躁甚者死

也

如小腹蒼有硬痛當按其痛更問其小便通利若何
如通則知畜血下焦宜破瘀血用桃仁承氣湯盡黑
物為好如小便不通則知津液留結宜五苓散加水
通山梔治之

但覺發熱惡寒頭痛腰脊強脈浮不拘日數即是太
陽表証浮緊有力無汗為傷寒宜發汗浮緩無力有
汗為傷風宜實表

但見肢痛咽乾而渴身無執手足溫脈沉有力明是
熱邪傳來太陰裏証宜當下之如肢痛自利不渴惡

寒手足厥冷脉沉無力此是太陰自受陰也宜當瀉之

但見口燥咽乾而渴妄語怕熱大便閉或微利清水而大渴脉沉有力明是熱邪傳來少陰裏証不拘日數即宜下之如肢痛泄利嘔吐怕寒手足厥冷不渴脉沉無力此是少陰直中自受內寒陰証急用溫之但見舌卷囊縮而渴身不熱外雖四肢微冷內有實熱脉來沉緩有力或大便閉實明是熱邪傳來厥陰之証即宜下之如肢痛泄利嘔吐不渴怕寒四肢厥冷小便清利脉微無力此是厥陰自中其寒証也急

宜溫之俱照前六經中用藥其一切躁渴大便閉發狂譫語腹滿微厥斑血証脉來有力者俱是從三陽邪熱傳入三陰裏証宜當下之輕重用藥無疑如寒當急溫之不可緩也有傷寒一日傳二經為兩感三日傳盡必死再傳止于六日夫兩感發于表者麻黃葛根湯也攻裏者調胃承氣湯也如未盡善須問病者有無痛處大小便通利若胸痛者為結胸不痛者為痞氣乃因下早而成也未經下者非結胸也乃表邪傳至胸中症雖瀰悶尚有表邪未及乎腑正屬少陽部分用小柴胡湯加枳殼以治之如未效以本方

加小陷胸湯服之而愈痛甚者大陷胸湯下之

論傷寒傳足不傳手之誤

傷寒傳足不傳手此謬言也人之身無非血氣且風行水動氣行血流晝夜循環而運行不息豈有不傳手經哉何所據也冬月腎水用事天氣嚴寒則足少陰太陰正司受傷三經最多其次是少陽厥陰肝膽繼冬而施春令蓋風木起于太寒之次即正當十一月中至春分方行溫令故風寒傷之足陽明太陰脾胃中土中土無定位無成名寄旺于四時寒熱之氣皆能傳也其邪亦歸于胃其手之經主于足故不

傷也若言傷足不傷手正理也若言傳足不傳手非理也

論傷寒六經變正法

夫六經傳變所由必須緊記誦不釋手可也且如鄭聲者手足鄭重冷而為虛也譫語有虛有實虛則失血亡陽實則內熱便閉脾約者大便秘而小便利水穀不化臟寒也又利不止曰腸辟傷寒十三日不好曰過經吐長蛇曰蛇厥陰厥發燥曰陰燥手足冷者為之厥指頭微寒情之縱汗吐下溫不好曰壞証又若何為逆逆而有四或變為溫瘧或變為風濕或變

為溫毒或變為瘟疫此四者是也發汗出不止曰漏
 風亦為亡陽大下損血為亡陽陽証汗出不止曰亡
 陽大衄取汗發証者曰亡陽大抵皆無汗其有汗者
 曰亡陽三月至夏方發為晚發冬感寒而春發者曰
 溫病非時暴寒伏于少陰之經咽痛下利名曰腎傷
 寒發汗後身灼熱者曰風溫名中暎感四時不正之
 氣老幼相似者為疫癘病瘥後必發者曰勞傷病瘥
 後多食而發者曰食復病瘥後發熱者曰遺熱吐利
 交作曰霍亂鼻中出血曰衄逆咳者曰嗽乾嘔者曰
 噦大便挾寒下利曰腸垢大便堅硬曰鞭心振寒而

動曰悸渴飲水而吐曰水逆心中惱亂不安而悶者
 曰懷懼皮膚不知疼痛者曰不仁振握而動曰肉瞤
 筋惕臍下有動氣曰奔豚上有吐者曰湧之下利者
 曰洩之手足攣搐者曰瘳痲四肢風病曰未疾厥而
 下利當不食及能食者曰除中三陰無合病三陽俱
 病者曰合病二陽先病後一陽自病曰併病溲泄之
 所曰溲曰理婦人之中二曰理也

論傷寒見證識病法

傷寒之病從表入裏裏必達外見證之由所屬必相審治
 庶無誤也且如頭病項強者太陽証也頭搖者裏病

也頭汗者裏有瘀血必發黃也面戴陽者下虛也面
 掾不光傷寒也面光不慘傷風也面上乍黑乍白唇
 口生瘡狐惑也面如錦紋者陽毒也口難言血少也
 舌上有白胎黃胎內熱也或黑者熱極也鼻燥漱水
 不下或目瞑溺血也目睛黃小腸熱也懷懊者胃虛
 也喜惡如狂畜血也肉瞶筋惕汗下虛也身如被杖
 陰毒也一身盡痛多眠或微腫難轉者風濕也身目
 俱黃濕熱疸病也身如虫行表虛也背惡寒陰勝寒
 也不眠因汗下多而神虛也坐而伏者短氣也下利
 清穀內寒也咽中生痞上實下虛也舌上生刺熱盛

也利者熱盛也又手冒心因汗多而血虛也腹滿手
 足溫者邪入太陰也舌卷囊縮邪入厥陰也

論傷寒有証見之必死法

夫傷寒死証一一須明生死不明將何措手非惟有
 于名節亦且投藥無用且赤斑者五死五生黑斑者
 十死一生陽証見陰脉者死發少陽汗連厥陰血者
 厥竭而死發左右運氣汗者死發風濕者死發陰陽
 毒過六七日死太發濕家汗成痲熱而痲者死發熱
 發少陽汗譫語者死發溫家汗為重暈者死兩感傷
 寒者死有汗不為汗衰為陰陽交者死結胸証悉具

煩躁者死。狂言不食者死。發厥肌冷而發躁無時得安者。曰臟厥而死。結胸舌上生胎為臟結者死。咳逆不止者死。舌卷囊縮者死。少陰吐利煩躁四逆者死。結胸証煩躁悉具者死。少陽與陽明合病下利脈長大名曰負。負者死。目亂無神氣目無精者死。男子病新瘥婦人與之交。曰陽易。婦人病新瘥男子與之交。曰陰易。男子陰腫小腹痛。婦人裏急連腰腹。眼昏四肢拘急為女勞復者死。厥利本不能食反能食為除中者死。傷寒七八日大發熱汗出不止如貫珠。此本氣衰者死。爪甲青為陽衰者死。循衣摸床喘而不休。

衛氣絕者死。柔汗為冷汗出發黃者乃脾絕也。死唇吻反青乃肝絕也。死環口黎黑脈絕也。死直視搖頭心絕也。死面黑遺尿腎絕也。死聲如鼻鼾肺絕也。死身體如疆正氣脫也。死喘而不休邪氣勝也。死水漿不下胃氣絕也。死形體不仁榮衛不行也。死乍靜乍亂者死也。

論婦人傷寒與男子不全治法

且夫天地陰陽各有分位。傷寒雜病豈無各科。男婦何可同治也。男子調氣為主。女子養血為先。女子血畜則血室不畜。一氣和平。一有凝結。水火相刑。凡氣

口緊盛者即宜下人迎緊盛者即宜汗但婦人左關浮緊者不可下當發汗以救血室榮衛得和津液得行浹然汗出而解凡婦人經水適斷晝則明了暮則譫語如見鬼狀此為熱入血室無犯胃氣及上中二焦言無犯胃氣者謂不可下也以小柴胡湯主之若行陽遲則熱入胃令津液燥中焦上焦不榮成血結胸須針其門可也但婦人傷寒發熱惡寒四肢拘急口燥舌乾經脈凝滯不得往來以桂枝紅花湯若傷寒口燥咽乾不思飲食以黃芩芍藥湯若傷寒喘急煩燥戰而作寒陰陽俱虛不可下也以

小柴胡湯

若傷寒經水適來邪乘虛而入晝則明了暮則譫語如見鬼狀此為熱入血室無犯上中二焦胃氣者宜小柴胡湯

若傷寒瘥後猶有餘熱不去謂之遺熱宜地黃湯主之

論妊婦傷寒又與前証有易法

黃帝內經曰有故無殞也大積大聚不可犯也損其大半而止過則殺也且妊婦傷寒保胎宜阿膠散大抵妊婦傷寒仲景無治法最宜避忌諸藥不可以尋

常例視之凡妊婦用安胎飲散寒邪以白朮湯

妊婦增寒壯熱宜發其汗以芎藭湯

妊婦或中時行洒淅寒熱作寒振慄而悸如噦者宜蘇米湯

妊婦傷熱嘔噤欲眠不欲食脇下痛嘔逆痰氣及產後病傷風熱入胞宮寒熱如瘧并經水適來適斷病後勞復餘熱不解以黃龍湯

妊婦頭目眩疼壯熱心躁以旋覆花湯

妊婦發斑以梔子大青湯

產後傷寒與胎前有別法

且產婦始生氣血俱虛外失衛護內無主持最宜調養設受風寒豈能救治故與胎前不同且產後十數日不解頭痛惡寒時時有熱心下堅乾嘔汗出以陽旦湯

產婦忘津液大便多秘或譫語煩燥宜服神功丸
產婦頭疼身熱無腹內拘急疼痛以桂心牡蠣湯
產婦傷風發熱面赤而喘頭痛以竹葉防風湯

